

SYARAT, KELAYAKAN SERTA KADAR KEMUDAHAN DALAM SISTEM SARAAN BARU BERDASARKAN KAEDAH BARU

1. Kadar Cuti Rehat

Kadar Cuti Rehat yang diperuntukkan dalam Perintah Am 8 (a) Bab 'C' bagi anggota yang berkhidmat dalam Perkhidmatan Dalam Negeri dan Perkhidmatan Luar Negeri, adalah diseragamkan seperti berikut:

<i>Gred/Kategori</i>	<i>Di Bawah 10 Tahun Perkhidmatan</i>	<i>Genap 10 Tahun Perkhidmatan Dan Lebih</i>
Gred Khas dan ke atas dan Kategori I-VI	30 hari	35 hari
Kategori VII-VIII	25 hari	30 hari
Kategori IX-XI	20 hari	25 hari

2. Membawa Ke Hadapan Cuti Yang Tidak Dapat Diambil

Kemudahan Membawa Ke Hadapan Cuti Yang Tidak Dapat Diambil seperti diperuntukkan dalam Perintah Am 11 Bab 'C' adalah dipinda, iaitu, anggota dibenarkan mengumpul baki cuti rehatnya yang ia berkecualan dalam tempoh dua tahun perkhidmatan, ke tahun ketiga. Cuti tahun pertama yang tidak dihabiskan dalam tahun ketiga akan luput pada akhir tahun ketiga itu.

3. Cuti Separuh Gaji

Kemudahan Cuti Separuh Gaji dalam Perintah Am 13 (a) Bab 'C' diberi atas sebab-sebab kesihatan sanak saudara yang rapat sahaja. Kemudahan bagi anggota atas sebab-sebab kesihatannya diliputi dalam peruntukan Cuti Sakit Lanjutan.

4. Cuti Tanpa Gaji

Kemudahan Cuti Tanpa Gaji dalam Perintah Am 14 Bab 'C' adalah dikekalkan dengan pindaan-pindaan berikut:

- (a) Had maksimum Cuti Tanpa Gaji dalam Perintah Am 14 (a) dipinda ke 360 hari.
- (b) Syarat minimum layak memohon Cuti Tanpa Gaji Perintah Am 14 (b) dan (c) diselaraskan kepada 6 bulan perkhidmatan yang melayakkan sahaja.
- (c) Baki Cuti Tanpa Gaji yang belum diambil boleh digunakan selagi tidak mencapai had maksimum yang dibenar berasaskan perkhidmatan yang melayakkan.

5. Cuti Sakit Lanjutan

Kemudahan Cuti Sakit Lanjutan dalam Perintah Am 22 Bab 'C' dikekalkan dengan pindaan-pindaan berikut:

- (a) selepas cuti sakit bergaji penuh selama 180 hari dan juga cuti rehat yang berkecualan ketika itu telah digunakan, anggota yang masih tidak sihat untuk bertugas semula boleh diberi Cuti Separuh Gaji sehingga 90 hari dengan perakuan Lembaga Perubatan. Sementara menunggu Laporan Lembaga Perubatan, sijil sakit boleh diterima bagi tujuan Cuti Separuh Gaji tersebut. Anggota hendaklah diberi Cuti Tanpa Gaji jika tidak mengemukakan sijil sakit bagi tempoh menunggu Laporan Lembaga Perubatan berkenaan;
- (b) jika anggota masih tidak sihat dan diperakukan oleh Lembaga Perubatan sebagai ada harapan untuk sembuh, anggota itu masih boleh diberi cuti sakit, iaitu, secara Cuti Tanpa Gaji tidak melebihi 90 hari dengan diberi Elaun Bantuan bersamaan separuh gaji;

- (c) kemudahan cuti sakit lanjutan ini diberi dalam satu tahun kalendar; dan
- (d) kemudahan ini boleh diulangi dalam tahun kedua. Selepas tempoh tersebut jika anggota masih belum sembuh, beliau boleh dibersarakan dengan perakuan Lembaga Perubatan.

6. Cuti Haji

Kemudahan mengenai Cuti Haji dalam Perintah Am 34 dan 35 Bab 'C' dan Pekeliling Perkhidmatan Bil. 4 Tahun 1984 adalah dikekalkan dengan pindaan berikut:

- (a) Cuti Haji boleh diluluskan kepada anggota beragama Islam yang berjawatan tetap dan telah disahkan dalam jawatan; dan
- (b) Kemudahan ini juga dipanjangkan kepada anggota berjawatan sementara yang telah berkhidmat tidak kurang daripada 6 tahun secara berterusan.

7. Cuti Rehat Selepas Berkursus Lebih 12 Bulan

Kemudahan Cuti Rehat Selepas Berkursus Lebih 12 Bulan dalam Perintah Am 38 Bab 'C' dikekalkan dengan pindaan, iaitu, tempoh cuti selepas berkursus dihadkan sehingga tujuh hari jika anggota masih mempunyai baki cuti rehat sebelum pergi berkursus. Bagi guru-guru, kemudahan ini juga diberi jika mereka masih mempunyai baki Cuti Sambilan sebelum pergi kursus.

8. Cuti Untuk Mengambil Peperiksaan

Kemudahan Cuti Untuk Mengambil Peperiksaan dalam Perintah Am 44 Bab 'C' dipinda dengan menggantikan masa peperiksaan kepada hari peperiksaan.

9. Cuti Menghadiri Latihan Atau Khemah Tahunan Pertubuhan/Persatuan

Kemudahan Cuti Tanpa Rekod dalam Perintah Am 42 (a) Bab 'C' diperluaskan aktivitinya kepada menghadiri mesyuarat agung tahunan, mesyuarat luar biasa, khemah latihan tahunan, seminar dan aktiviti-aktiviti sukan anjuran pertubuhan/persatuan berkaitan di Malaysia sahaja. Kemudahan ini juga dipanjangkan kepada aktiviti-aktiviti serupa anjuran Persatuan Kebajikan dan Sukan di Jabatan-jabatan Kerajaan, yang berdaftar dengan Pendaftar Pertubuhan dan diiktiraf oleh Ketua Pengarah Perkhidmatan Awam.

10. Cuti Tibi, Kusta Dan Barah

-- Kemudahan mengenai cuti sakit ini seperti dalam Perintah Am 31 (a) dan (b) Bab 'C' adalah dikekalkan dengan pindaan-pindaan berikut:

- (a) cuti sakit bergaji penuh yang tidak melebihi 24 bulan dibenarkan untuk pesakit barah dan kusta dan tidak melebihi 12 bulan bagi pesakit tibi dengan tidak mengira sebarang cuti sakit yang telah diambilnya kerana penyakit-penyakit lain;
- (b) kemudahan (a) juga diberi kepada jenis penyakit yang setaraf dengan penyakit tibi, kusta dan barah, yang memerlukan tempoh rawatan yang panjang untuk pulih. Jenis penyakit yang dimaksudkan hendaklah diperakukan oleh sebuah Lembaga Perubatan;
- (c) setelah menghabiskan cuti di (a) dan (b) anggota boleh mengambil cuti rehat yang ia masih berkecukupan;
- (d) Cuti Separuh Gaji yang tidak melebihi 12 bulan boleh diberi setelah tamatnya cuti di (a) hingga (c); dan
- (e) setelah menghabiskan semua cuti di (a) hingga (d) tiada apa-apa cuti yang boleh diberi lagi melainkan atas budi bicara Kuasa Tertentu, setelah meneliti Laporan Lembaga Perubatan. Kuasa Tertentu boleh menimbang apa-apa cuti tambahan sama ada bergaji penuh atau separuh gaji atau anggota itu boleh dibersarakan daripada perkhidmatan.

11. Rumah Kediaman Kerajaan

Lampiran 'A' Perintah Am 4 Bab 'E' adalah dipinda seperti berikut:

<i>Gred/Kategori</i>	<i>Gaji</i>	<i>Kelas Rumah</i>
Gred Khas 'B' dan ke atas	-	A
Gred Khas 'C'	-	B
Kategori I	\$3,564 dan ke atas	B
Kategori I	\$3,563 dan ke bawah	C
Kategori II	-	C
Kategori III	\$2,456 dan ke atas	C
Kategori IV	\$2,404 dan ke atas	C
Kategori III	\$2,455 dan ke bawah	D
Kategori IV	\$2,403 dan ke bawah	D
Kategori V	\$1,849 dan ke atas	D
Kategori VI	\$1,913 dan ke atas	D
Kategori V	\$1,848 dan ke bawah	E
Kategori VI	\$1,912 dan ke bawah	E
Kategori VII	-	E
Kategori VIII	-	F
Kategori IX dan X	-	G
Kategori XI	-	H, I, J

12. Tafsiran Keluarga Anggota

Istilah keluarga dalam Perintah Am 1 (iii) Bab 'F' adalah dikekalkan dengan pindaan, iaitu, bagi anak yang **daif**, ianya tidak mengambilkira sama ada kedaifan wujud atau berlaku sebelum atau selepas had umur di bawah tanggungan seperti yang ditetapkan.

13. Kelayakan Dan Kadar Bayaran Wad

Kelayakan wad dalam perenggan 1.1 Lampiran 'C', Pekeliling Perkhidmatan Bil. 9 Tahun 1980, adalah dipinda seperti berikut:

<i>Gred</i>	<i>Kelas Wad</i>	<i>Bayaran Sehari</i>
Gred Khas dan ke atas, Kategori I hingga III yang bergaji \$3,138 dan ke atas	Kelas I bilik seorang	\$10.00
Kategori III yang bergaji \$3,137 dan ke bawah hingga Kategori VI	Kelas I bilik berdua	\$ 8.00
Kategori VII hingga VIII	Kelas I bilik bertiga	\$ 6.00
Kategori IX hingga XI	Kelas Dua	\$ 3.00
-	Kelas Tiga	Percuma

14. Rawatan Untuk Anggota Jabatan Perubatan

Kemudahan dalam Perintah Am 28 Bab 'F' adalah dikekalkan dengan pindaan iaitu penggunaan ambulan diberi secara percuma.

15. Rawatan Di Luar Stesen

Peruntukan Rawatan Di Luar Stesen dalam Perintah Am 42 Bab 'B' adalah dikekalkan mengikut syarat-syarat yang ditetapkan dengan pindaan, iaitu, membenarkan seorang pengiring jika diperakukan oleh Pegawai Perubatan tempatan. Pengiring adalah dibenarkan untuk menuntut elaun seolah-olah ia menjalankan tugas rasmi ketika mengiringi pesakit, tidak melebihi daripada lima hari berasaskan kepada kelayakan anggota berkenaan.

16. Kemudahan Tambang Percuma

Peraturan-peraturan mengenai kemudahan Tambang Percuma adalah seperti berikut:

- (a) Kemudahan Tambang Percuma yang diberi secara Khas Untuk Penyandang dalam perenggan 2.2 hingga 2.10 Lampiran 'C', Pekeliling Perkhidmatan Bil. 9 Tahun 1980, dikekalkan.
- (b) Kemudahan yang diperuntukkan dalam perenggan 16, Pekeliling Perkhidmatan Bil. 8 Tahun 1980 untuk Tingkatan Tertinggi 'A' dan ke atas sekarang adalah diteruskan dan gred anggota dipinda kepada Gred Khas 'A' serta Jawatan Utama 'A' dan ke atas.

17. Kemudahan Tambang Mengunjungi Wilayah Asal

Kemudahan Tambang Mengunjungi Wilayah Asal yang diperuntukkan dalam perenggan 5, Pekeliling Perkhidmatan Bil. 6 Tahun 1987, adalah dikekalkan mengikut syarat-syarat yang ditetapkan dengan pindaan, iaitu, anggota layak untuk menuntut tambang perjalanan dari tempat bertugas ke ibu kota wilayah asal.

LAMPIRAN D7

**SYARAT, KELAYAKAN SERTA KADAR
KEMUDAHAN DALAM SISTEM
SARAAN BARU BERDASARKAN
KAEDAH BARU**